

REGLUGERÐ

fyrir lendingarbótasvæðið Örlygshöfn við Patreksfjörð.

59

16. apríl

I. KAFLI

Takmörk lendingarbótasvæðisins.

1. gr.

Lendingarbótasvæði Örlygshafnar nær frá landamerkjum Sellátraness að utanverðu, að landamerkjum Vatnsdals að innanverðu.

II. KAFLI

Um lendingarbótanefnd.

2. gr.

Að nýafstöðnum hverjum hreppsnefndarkosningum skal hreppsnefnd Rauðasandshrepps kjósa 3 menn í lendingarbótanefnd og jafnmarga til vara. Kjörtímabil lendingarbótanefndar er hið sama og hreppsnefndar. Þar til nýjar kosningar fara fram, skal þó hreppsnefnd Rauðasandshrepps fara með mál þau, er undir lendingarbótanefnd heyra. Lendingarbótanefnd sér um, að reglugerð þessari sé hlýtt, sér um innheimtu gjalda þeirra, sem ákveðin eru samkvæmt reglugerð þessari, gegn innheimtulaunum eða föstum launum, sem um semur, sér um viðhald og endurbætur lendingarbóta og stýrir öllum framkvæmdum, er þar að líta. Lendingarbótanefnd annast reikningshald og fjárvörzlu lendingarbótasjóðsins fyrir hönd hreppsnefndar, enda ber hreppsnefnd ábyrgð á eignum sjóðsins, sem öðrum eignum hreppsins svo og skuldbindingum sjóðsins.

III. KAFLI

Um almenna reglu.

3. gr.

Lendingarbótanefnd sér um, að gætt sé reglu á lendingarbótasvæðinu og mannvirkjum þess, og er öllum, er hlut eiga að máli, skylt að hlýða boði hennar og hanni tafarlaust, en getur síðan, ef þeim finnst sér óréttur ger, skotið máli sínu til lög-
reglustjóra.

4. gr.

Óheimill er skipum eða bátum að kasta úthyrðis seglfestu, ösku, kolum eða öðru því, sem valdið gæti skemmdum á lendingarbótasvæðinu.

5. gr.

Skyll er að gæta varúðar um allt það, er slysum getur valdið.

6. gr.

Lendingarbótanefnd, svo og aðrir starfsmenn lendingarbótasvæðisins, skulu gæta allrar kurteisí í starfi sínu.

IV. KAFLI

Um notkun bryggjunnar.

7. gr.

Heimill skal bátum eða skipum að leggjast að bryggju í þeirri röð, sem þau koma, en skylt að fara frá bryggju, er þau hafa lokið erindi sínu, séu aðrir, sem

59 óska athafnasvæðis, og eins, ef þau teljast þar til tafar öðrum. Hið sama gildir, hvort 16. apríl sem um er að ræða upp- eða útskipun.

V. KAFLI

Um lendingarbótasjóð.

8. gr.

Til þess að standast kostnað við lendingarbæturnar og e. t. v. síðar við hafnar-
mannvirki og til árlegs reksturskostnaðar, skal stofna lendingarbótasjóð.

Í lendingarbótasjóð renna allar tekjur, sem ákveðnar verða með reglugerð
þessari.

Við lok hvers rekstursárs skal lendingarbótanefnd semja reksturs- og efna-
hagsreikning sjóðsins og ber henni að hafa fullgert reikninginn ekki síðar en
15. janúar næsta reikningsár.

Reikningarnir skulu endurskoðaðir og úrskurðaðir á sama hátt og hreppsreikn-
ingarnir.

Fyrir 1. nóvember ár hvert skal lendingarbótanefnd hafa samið og lagt fyrir
hreppsnefnd Rauðasandhrepps frumvarp til áætlunar um tekjur og gjöld lend-
ingarbótasjóðs á komandi ári. Hreppsnefnd skal síðar fullsemja áætlunina og senda
hana samgöngumálaráðuneytinu til staðfestingar fyrir árslok, ásamt nauðsynlegum
skýringum á gjalda- og tekjuliðum.

9. gr.

Reikningsár lendingarbótasjóðs er almanaksárið.

10. gr.

Skipa- og bátagjöld.

Hvert aðkomuskip greiði í hvert skipti, er það fermir eða affermir, kr. 0.30 af
hverri brúttó-smálest, með þeim undantekningum þó, er hér greinir:

Innlend strandferðaskip skulu aðeins greiða gjald þetta einu sinni á ári og þá
í fyrsta sinn, er þau koma inn á höfnina eða á gjalddaga, er um semst.

Algerlega undanþegin þessu gjaldi eru:

Herskip, varðskip, björgunarskip, skip, sem hafa skírteini sem skemmtiskip,
skip, sem gerð eru út til vísindalegra rannsókna, einnig skip, sem leita hafnar vegna
óveðurs, sjóskaða eða skemmda á einhvern hátt, nema þau jafnframt fermi eða
affermi einhverja vöru. Sama gildir um skip, sem leita hafnarinnar til að setja á
land sjúka menn eða látna.

VI. KAFLI

Aflagjald.

11. gr.

Af hverju tonni af slægðum afla greiðist kr. 5.00.

VII. KAFLI

Vörugjaldskrá.

12. gr.

1. flokkur. Ull: 8 aurar af hverju kg.
2. — Kindakjöt: 8 aurar af hverju kg.
3. — Gærur og annað skinn: 4 aurar af hverju kg.

4. flokkur. Kornvara, kaffi, sykur, jarðávextir, mjólk og hey: 2 aurar af hverju kg. **59**
 5. — Skepnufóður og aðfenginn áburður (útlendur): 1½ eyrir af hverju kg. 16. apríl
 6. — Kol, salt, olía, benzín, allar byggingarvörur (þar með talin málning):
 1 eyrir af hverju kg (sbr. þó 7. flokk).
 7. — Timbur, unnið og óunnið: 10 aurar af hverju teningsfeti.
 8. — Tómar tunnur: 50 aurar af hverri.
 9. — Bifreiðar og dráttarvélar til vegagerðar: 10 kr. af hverri.
 10. — Hestar og nautgripir: 4 kr. af hverjum.
 11. — Sauðfé: Kr. 1.50 af kind.
 12. — Stykkjavörur aðrar, allt að 50 kg: 75 aurar. Af 50—100 kg greiðast
 kr. 1.50.

13. gr.

Undanþeginn vörugjaldi er póstflutningur og farangur ferðamanna, allt að 25 kg. Enn fremur tómir mjólkurbrúsar, meðan mjólkursala er úr Örlygshöfn.

14. gr.

Vörugjald skal reikna eftir máli eða þyngd umbúða. Skipstjóri eða formaður ber ábyrgð á greiðslu skipa- og bátagjalda, svo og rétt uppgefnu vörumagni, en viðtakandi vöru eða afgreiðslumaður skips eða báts á vörugjöldum. Hefur lendingar-bótasjóður haldsrétt á skipi eða bát, þar til gjöld þessi eru greidd, nema öðruvísi semjist um, og gildir hið sama um vöru, sé vörugjald ekki greitt. Ef skip eða bátur hefur ekki farm sinn skráðan, ber skipstjóri eða formaður ábyrgð á greiðslu vörugjaldsins. Ef margs konar vörur eru í sömu sendingu, skal reikna vörugjaldið eftir þeirri vörutegund, sem hæst vörugjald reiknast af. Leiki vafi á, til hvaða flokks skuli telja einhverja vörutegund, gildir þar um úrskurður lendingarbótanefndar, úrskurði hennar má aftur skjóta til hreppsnefndar.

VIII. KAFLI

Bryggjugjald.

15. gr.

Hvert það skip, sem leggst að bryggju eða að skipi, er liggur við bryggju lendingarbótasjóðs, greiði bryggjugjald, er hér segir:

Öll skip, 15 smálestir (brúttó) eða stærri, greiði 10 aura af hverri nettó-smálest. Minnsta gjald skal þó vera kr. 2.00.

Aðkomubátar undir 15 smálestum (brúttó) greiði kr. 5.00 á ári. Bátar án hreyfils, heimilisfastir í Rauðasandshreppi, sem eru minni en ein smálest (brúttó), skulu gjaldfrjálsir. Bryggjugjald reiknast fyrir hverjar 24 klst. eða brot úr þeim.

16. gr.

Bátur, sem hefur fastar ferðir milli Patreksfjarðar og Örlygshafnar, skal greiða 30 kr. á ári, en 3 kr. á mánuði, annist hann ekki flutninga allt árið.

17. gr.

Öll gjöld samkv. reglugerð þessari má taka lögtaki.

IX. KAFLI

Eignatjón og bætur.

18. gr.

Þeir, sem valdir verða að tjóni á bryggjunni og öðrum mannvirkjum eða á áhöldum lendingarbótasjóðs, skulu bótaskyldir. Annað hvort greiði þeir tjónið með upphæð, er um semur við lendingarbótanefnd, eða viðgerðarkostnað, samkv. reikningi.

59

16. apríl

Um skaðabótaskyldu fyrir tjón, sem tilfært er í næstu grein hér á undan, fer eftir almennum lagafyrirmælum.

20. gr.

Takist ekki samningar um bætur, skulu þær ákveðnar af 3 óvilhöllum dómkvöddum mönnum. Hvorum aðila um sig er heimilt að krefjast yfirmats og skal þá krafa um það borin fram innan mánaðar frá því, er matsgerð lauk. Yfirmat skal fara fram af 5 óvilhöllum dómkvöddum mönnum. Kostnaðinn við yfirmat greiðir sá, er þess hefur krafizt, ef matsupphæðinni verður ekki breytt meira en sem svarar 10% af hinnu ákveðnu endurgjaldsupphæð. Að öðrum kosti greiðir hinn aðillinn kostnaðinn.

21. gr.

Brot gegn reglugerð þessari varðar sektum frá 20—10 000 krónum, nema þyngri refsing liggí við samkvæmt almennum lögum.

Sektirnar renna í lendingarbótasjóð.

22. gr.

Með mál út af brotum á reglugerð þessari skal farið sem almenn lögglumál.

23. gr.

Reglugerð þessi öðlast þegar gildi.

Reglugerð þessi staðfestist hér með samkvæmt lögum nr. 29 23. apríl 1946, um hafnargerðir og lendingarbætur, til að öðlast þegar gildi, og birtist til eftirbreytni öllum þeim, sem hlut eiga að máli.

Atvinnu- og samgöngumálaráðuneytið, 16. apríl 1947.

Emil Jónsson.

Páll Pálmason.

60

16. apríl

REGLUGERÐ

fyrir lendingarbótasvæðið Hvalsker við Patreksfjörð.

I. KAFLI

Takmörk lendingarbótasvæðisins.

1. gr.

Lendingarbótasvæði Hvalskers nær frá landamerkjum Sauðlauksdals að utanverðu, að landamerkjum Kots að innanverðu.

II. KAFLI

Um lendingarbótanefnd.

2. gr.

Að nýafstöðnum hverjum hreppsnefndarkosningum skal hreppsnefnd Rauðasandshrepps kjósa 3 menn í lendingarbótanefnd og jafnmarga til vara. Kjörtímabil lendingarbótanefndar er hið sama og hreppsnefndar. Þar til nýjar kosningar fara fram, skal þó hreppsnefnd Rauðasandshrepps fara með mál þau, er undir lendingarbótanefnd heyra. Lendingarbótanefnd sér um, að reglugerð þessari sé hlýtt,